

---

**ODBOJKAŠKI SAVEZ  
FEDERACIJE BOSNE I HERCEGOVINE**

---

**P R A V I L N I K  
o registraciji u OS FBiH**

Tuzla, 12.06.2024.

Na osnovu člana 50. Statuta Odbojkaškog saveza Federacije Bosne i Hercegovine, Upravni odbor Saveza na sjednici održanoj dana 12.06.2024. godine donio je,

## **P R A V I L N I K** **o registraciji u OS FBiH**

### **Član 1.**

Registraciju klubova, igrača i igračica (u daljem tekstu igrači) obavlja Komisija za registraciju OS FBiH.

Predsjednika i članove Komisije OS FBiH imenuje i razrješava Upravni odbor OS FBiH.

### **član 2.**

Odbojkaški savez FBiH nadležan je za:

1. Registraciju klubova (Udruženja) na prostoru Federacije,
2. Prvu registraciju igrača,
3. Prelaske igrača između klubova (udruženja) koji su članovi istog saveza,
4. Ugovore između trenera igrača i klubova (udruženja),
5. Licenciranje trenera, igrača koji se takmiče u ligama koje su u njihovoj nadležnosti.
6. Registraciju i licenciranje sl. Lica u OSFBiH.
7. Registracija stranih igrača.

## **I – REGISTRACIJA KLUBOVA**

### **član 3.**

Registracija klubova (udruženja) vrši se na osnovu prijave za registraciju koju Klub podnosi upravnom odboru OSFBiH.

Uz prijavu se podnose i druga dokumenta predviđena važećim zakonskim propisima i to:

- Zahtjev za prijem u članstvo (original)
- Rješenje o registraciji udruženja (ovjerena kopija),
- Odluka nadležnog organa o dobrovoljnom udruživanju u Savez i poštivanju akata saveza, (originalna, potpisana od osobe ovlaštene za zastupanje i predstavljanje udruženja, upisana kod Ministarstva Pravda Kantona/Županije).

Svaki Klub nosi naziv u takmičenju kako je upisano u Rješenju izdato od nadležnog organa. Klub koji ima sponzora i želi da nosi njegovo ime dužan je u roku od 45 dana od dana potpisivanja sponzorskog ugovora promijeniti Rješenje kod nadležnog organa i isto u roku od 15 dana ovjerenu kopiju dostaviti u Odbojkaški savez Federacije BiH i od tog momenta biće upisana promjena naziva u OSFBiH. Svaki Odbojkaški Klub (Udruženje građana –koje se bavi treniranjem i igranjem odbojke), sa područja Federacije BiH koji izvrši registraciju kod Ministarstva Pravde Kantona/Županije, dužan je u roku od 15 dana po prijemu Rješenja izvršiti prijavu kod Odbojkaškog saveza FBiH i ostvari svoja prava, dužnosti i obaveze. Klubovi koji to ne izvrše Upravni odbor će protiv istih po saznanju pokrenuti krivičnu prijavu. Zabranjuje se Klubovima sa područja Federacije BiH koji su članovi OSFBiH da nesmiju i nemogu igrati prijateljske

utakmice niti učestvovati na turnirima gdje učestvuju Klubovi i ekipe koji nisu članovi OSFBiH. Ukoliko dođe do prekršaja ovog člana Direktor takmičenja po saznanju dužan je da pokrene disciplinski postupak. Klubovi koji nisu članovi OSFBiH i nisu u sistemu nemogu organizovati nikakve lige ili igrati turnire kao i prijateljske utakmice bez saglasnosti Upravnog odbora OSFBiH. Protiv Klubova i odgovornih lica koji budu kršili akta OSFBiH biće pokrenuta krivična prijava kod nadležnih organa.

#### **član 4.**

Na osnovu dokumenata iz člana 3. ovog pravilnika, Upravni odbor donosi Odluku o privremenom prijemu u članstvo Saveza, najkasnije u roku od 30 dana od dana prijema prijave za prijem u članstvo.

Jedan primjerak rješenja o registraciji kluba (udruženja) obavezno se dostavlja Upravnom odboru OS FBiH radi upisa u jedinstveni registar odbojkaških klubova (udruženja) u Federaciji Bosni i Hercegovini.

Akta u udruženjima Klubova moraju biti usklađena sa aktima saveza i mogu ih potpisati samo osobe ovlaštene za zastupanje i predstavljanje udruženja, koje su upisane u Rješenju koje izdaje Ministarstvo pravde kantona/županije.

Klubovi članovi OSFBiH kada održe izbornu skupštinu dužni su u roku od 15 dana svu potrebnu dokumentaciju o promjenama ovlaštenih lica ili naziva Kluba podnijeti Ministarstvu pravde Kantona/Županije, a ministarstvo je dužno u roku od 30 dana izdati Rješenje o promjenama.

Svaki Klub (udruženje) dužan je dostaviti posljednju promjenu o ovlaštenju osobe za zastupanje i predstavljanje, kao promjenu naziva Kluba u roku od 15 dana od dobijanja Rješenja. Klubovi koji ne postupe u skladu sa ovim članom čine disciplinski prekršaj i protiv istih će se pokrenuti disciplinski postupak.

Punomoći o prenosu ovlašćenja u skladu sa čl.4. mogu trajati najduže 60 dana.

#### **član 5.**

Proces registracije klubova i igrača u OS FBiH mora biti stalno otvoren. Nakon registracije u Ministarstvu Pravde Kantona/Županije klub je obavezan da plaća godišnju članarinu. Nijedan Klub neće biti primljen u članstvo saveza dok ne izvrši uplate članarine za prethodni period od izdavanja Rješenja kod nadležnog organa pa do momenta podnošenja zahtjeva za prijem u članstvo. Visinu godišnje članarine određuje se za svaku godinu Odlukom Upravnog odbora.

## **II -- REGISTRACIJA IGRAČA**

#### **član 6.**

Prva registracija igrača vrši se u toku cijele godine, na osnovu obrasca pristupnice koju klub podnosi Komisiji i ostalih potrebnih dokumenata (fotografija u boji u digitalnom obliku, original ili ovjerena kopija izvoda iz matične knjige rođenih i potpisan ugovor klub-igrač).

Za igrače mlađe od 18 godina, pristupnicu i ugovor potpisuje i njegov roditelj, odnosno staratelj.

Prva registracija igrača upisuje se u registracionu knjigu, a nakon upisa se izdaje takmičarska legitimacija.

Svi igrači-ce koji se licenciraju za tekuću takmičarsku sezonu moraju imati važeći ugovor sa Klubom ovjeren u OSFBiH. Za igrače/-ice mlađe od 13 godina koji su registrovani za nastup u mlađim kategorijama ugovor nije obavezan.

Igrači-ce Premijer lige koji se registruju u OSFBiH moraju imati važeći ugovor sa Klubom ovjeren u OSFBiH. Svaki igrač-ca moraju biti osigurani od nezgode. Osiguranje vrši Klub koji podnosi zahtjev za registraciju. Klub je dužan dostaviti originalan spisak igrača potpisan od ovlaštene osobe sa Polisom osiguranja. Igrač-ca mora prije potpisa Ugovora tražiti na uvid od Kluba Polisu osiguranja gdje je isti-a osiguran za tekuću sezonu. Igrač se neobavezuje da nastupa na utakmicama ukoliko ga Klub nije osigurao od nezgode. Ukoliko Klub ne osigura igrača/ca a isti-a nastupi na utakmici i doživi nezgodu za vrijeme takmičenja Klub i igrač-ca snose svu odgovornost i naknadu nematerijalne štete. OSF BiH nema nikakvu odgovornost.

#### **član.7.**

Registracija trener-ca/igrač-ca:

Trener može biti registrovan kao igrač pod uslovom da ispunjava uslove iz Pravilnika o licenciranju trenera čl.2.1 i 4, te sve uslove iz Pravilnika o registraciji igrača. Trener može na utakmici obavljati i funkciju igrača. Mora imati obadvije licence i biti upisan u zapisnik. Kada nije u terenu onda vrši funkciju Trenera pod uslovom da mora obući gornji dio trenerke, kada uđe u teren tada vrši funkciju igrača. Ukoliko Trener ima ulogu aktivnog igrača kojeg je mijenjao libero, može obavljati funkciju trenera na klupi sve dok je libero u igri. Trener-Igrač može biti kapiten ekipe samo kada je u terenu. Sankcije za ovu funkciju su spojive.

#### **član 8.**

Produženje registracije i licenciranje igrača vrši se tokom cijele sezone za svaku takmičarsku godinu (važi za igrače koji ne mijenjaju članstvo).

#### **član 9.**

Registraciju igrača prilikom prelaska iz kluba u klub, kao i stranih državljana, vrši se u redovnom i posebnom prelaznom roku.

### **III REDOVAN PRELAZNI ROK**

#### **član 10.**

Igrač može da pređe iz jednog kluba u drugi klub u redovnom prelaznom roku koji traje od 01. do 10. jula tekuće godine, ako ispunjava jedan od sledećih uslova:

- 9.1. da mu je sa klubom istekao ugovor; Igračima kojima je istekao Ugovor nije potrebna ispisnica iz Kluba iz kojeg odlazi.
- 9.2. da mu je sporazumno raskinut ugovor sa klubom;
- 9.3. da ima ispisnicu sa datumom izdavanja u periodu od 01. januara do 10. jula tekuće godine;

9.4. da je bio registrovan za inostrani klub, a ispunjava uslove 9.1. ili 9.2. iz ovog člana i posjeduje „letter of release“ od inostranog kluba za koji je bio registrovan;

9.5. da ima ispisnicu kluba iz koga odlazi, ako je igraču istekao ugovor kojim su definisani posebni uslovi odnosno prava i obaveze po isteku ugovora;

9.6. da je strani državljanin i ispunjava uslove iz člana 13. ovog pravilnika.

9.7. da klub dostavi dokaz u kancelariju OSFBiH o ispunjavanju obaveza iz člana 2.

9.8. ako igračica posjeduje ispisnicu od matičnog Kluba gdje ima Važeći Ugovor, Matični Klub nemože više stavljati nikakve uslove u ispisnici i od takmičarske sezone 24/25 svi raniji upisani uslovi se stavljaju Van snage.

i Odluke o zaštiti prve registracije u klubovima OSFBiH.

#### **IV POSEBAN PRELAZNI ROK**

##### **član 11.**

Igrač može da pređe u drugi klub u posebnom prelaznom roku, koji traje od 11. jula do 30. decembra tekuće godine, uz ispisnicu kluba za koji je registrovan i dokaz o ispunjavanju obaveza iz člana 2. i Odluke o zaštiti registracije u klubovima OSFBiH.

Ispisnica mora biti sa datumom izdavanja od 1. septembra do 30. decembra tekuće godine. Materijal za registraciju igrača u ovom prelaznom roku dostavlja se Komisiji direktno (a ne putem pošte).

Igrač koji je prešao u drugi klub u redovnom prelaznom roku u tekućoj godini može iz ovog kluba uz ispisnicu kluba da pređe u drugi klub u posebnom prelaznom roku-samo jedanput. U redovnom kao i u posebnom prelaznom roku igrač može samo jedan put da pređe iz kluba u klub, uključujući i igrače koji odlaze u inostrane klubove.

Svi igrači kojima je istekao ugovor slobodni su i mogu prijeći nesmetano u drugi klub(nije potrebna ispisnica).Ukoliko Klub istupi iz bilo kojih razloga iz takmičenja sa seniorskom ekipom svi igrači su slobodni i mogu preći u drugi klub bez ispisnice ili saglasnosti matičnog kluba do okončanja posebnog prelaznog roka-30.12.-tekuće godine.

##### **član 12.**

Igrač koji je potpisao pristupnicu ne može da povuče svoj potpis na tom dokumentu.

Igrač koji u istom prelaznom roku potpiše pristupnicu za dva i više klubova čini disciplinski prekršaj zbog kojeg ostaje član kluba iz kojeg je želio da pređe, bez prava nastupa u toj sezoni.

##### **član 13.**

Reprezentativcu Bosne i Hercegovine koji je u vrijeme prelaznog roka nastupao za reprezentaciju, prelazni rok se produžava za onoliko dana koliko je u vrijeme prelaznog roka nastupao za reprezentaciju.

##### **član 14.**

Igrač, državljanin BiH, koji je dobio ispisnicu u redovnom prelaznom roku a nije našao aganžman u inostranstvu ili je bio registrovan za inostrani klub a prestane mu važnost ugovora sa tim klubom, može se registrovati za bilo koji domaći klub do 30. decembra iste godine, bez obzira na prelazni rok.

Ukoliko ugovor sa domaćim klubom iz koga je igrač iz prethodnog stava ovog člana otišao nije istekao, igrač ostaje član toga kluba.

#### **član 15.**

Strani državljani registruju se u redovnom i posebnom prelaznom roku pod uslovima koje propisuje Međunarodna odbojkaška federacija (FIVB), Evropska odbojkaška konfederacija (CEV) i odredbama ovog pravilnika.

Za jedan klub mogu biti registrovana 3 (tri) igrača strana državljana sa sertifikatom.

Strani državljani, koji nakon isteka ugovora žele da promijene klub, mogu se registrovati za novi domaći klub na osnovu odredaba ovog pravilnika koje važe za prelazak domaćih igrača.

Da bi se registrovali strani državljani kod nadležnog registracionog organa, predhodno moraju regulisati prava i obaveze po propisima o kretanju i boravku stranaca i zapošljavanju stranih državljana. Klubovi su odgovorni za pravovremeno pokretanje procedura za izdavanje svih potrebnih dozvola za nesmetan nastup stranih igrača/-ica.

Registracija igrača – stranog državljanina može se obaviti nakon što kancelarija OSBiH, na osnovu potpune dokumentacije, potvrdi da je registracija uredno odobrena od FIVB i da su ispunjeni ostali potrebni uslovi za registraciju.

#### **Član 16.**

Registracija igrača – stranog državljanina obavlja se na period važenja sertifikata i mora se obnoviti – produžiti nakon svake obnove sertifikata.

Za igrača stranog državljanina ugovor se zaključuje na period važenja sertifikata.

#### **član 17.**

Igrač koji želi da pređe u drugi klub potpisuje pristupnicu za taj klub.

Potpisani obrazac pristupnice novi klub dostavlja nadležnoj Komisiji za registraciju.

#### **član 18.**

Ukoliko se radi o prelasku igrača u klub iz drugog entiteta, zahtjev se podnosi preko Kancelarije OFS BiH čija Komisija za registraciju daje saglasnost za prelazak i o tome vodi posebnu evidenciju. Za sve igrače-ce, trenere i ostala lica kojima se izdaje registracija ili licenca u OSF BiH, kancelarija je dužna uraditi registraciju ili licencu u roku do 10 dana od momenta dostavljanja kompletne dokumentacije.

#### **član 19.**

U posebnom prelaznom roku, klub u koji igrač prelazi dužan je da uz pristupnicu dostavi ispisnicu bivšeg kluba, za pralazak igrača ako ima važeći ugovor sa prethodnim klubom.

#### **član 20.**

Igrače koji su u prelaznim rokovima prešli iz jednog u drugi klub, nadležna Komisija za registraciju upisuje u registracionu knjigu i izdaje im takmičarske legitimacije.

Takmičarske registracije i licence potpisuje predsjednik Registracione komisije, a na osnovu ispunjenih uslova za dobijanje registracije i licence.

Na izvršenu ili neizvršenu registraciju igrača, može se podnijeti prigovor nadležnoj Komisiji u roku od 15 dana od dana podnošenja zahtjeva.

Na odluku Komisije po podnijetom prigovoru može se podnijeti žalba u roku od 3 dana Upravnom odboru OS FBiH, čija je odluka konačna.

## **V – UGOVOR IZMEĐU KLUBOVA I IGRAČA**

### **član 21.**

Ugovorom se utvrđuju međusobna prava i obaveze između klubova i igrača.

Ugovor mora da sadrži:

- osnovne podatke o klubu i igraču,
- obavezu kluba da igraču obezbijedi uslove za sportski razvoj,
- obavezu igraču da izvršava sve dužnosti i obaveze kao član kluba i poštovanje akata kluba,
- mogućnost raskida ugovora,
- vrijeme trajanja ugovora,
- nadležnosti u slučaju spora,
- datum zaključenja i stupanja na snagu,
- potpise ovlašćenog lica kluba, potpis igrača i potpis roditelja ili staratelja za mlađe od 18 godina.
- mjesto za ovjeru od strane organa nadležnog za registraciju.

Ugovor (posebni ugovor ili aneks) može da sadrži i druga pitanja:

- visina stipendije (ili plate),
- pravo i obaveze sportskog usavršavanja,
- pravo na zdravstvenu zaštitu,
- posebne obaveze igrača prema klubu (u odnosu na sponzora, nošenje i čuvanje opreme, sportski život i dr.),
- prava i obaveze u slučaju prelaska u drugi klub prije isteka ugovora.

### **član 22.**

Ugovore između klubova i igrača, trenera i klubova ovjerava predsjednik Registracione Komisije, a po jedan primjerak ugovora zadržava za sebe. Komisiji za registraciju OS FBiH dostavljaju se ugovori nastali prelaskom igrača iz klubova različitih entiteta i inostranstva. Ugovor stupa na snagu danom ovjere registracionog organa. Klub je obavezan 1 primjerak Ugovora dostaviti igraču-ci, treneru-ci sa dokazom o uručenju istog. Ukoliko Klub nema dokaza da je uručio Ugovor a dođe do spora, protiv Kluba će biti pokrenut Disciplinski postupak. Ukoliko Klub nedostavi igraču-ci ovjeren Ugovor, igrač-ca nisu obavezni nastupiti na utakmicama za Klub, a ako nastupe sami snose odgovornost.

U slučaju spora meritoran je samo ugovor koji je dostavljen u Savez i potpisan od predsjednika Registracione Komisije ili osobe koju on ovlasti iz sastava Registracione Komisije.

### **član 23.**

Ugovori se zaključuju sa igračima od navršениh 13 godina starosti za vremenski period od dvije do četiri takmičarske godine. Ugovor između igrača i Kluba može biti ovjeren samo pod uslovom nakon isteka prethodnog ugovora.

Maloljetnim igračima, koji su potpisali ugovor zajedno sa roditeljima/starateljima, ugovor važi do datuma kada navršavaju 18 godina starosti nakon čega su igrači-ce dužni samostalno potpisati novi ugovor sa klubom. Ukoliko igrač navršava 18 godina starosti nakon datuma propisanog u članu 24, stav 2 ovog Pravilnika prethodni ugovor ostaje na snazi do kraja tekuće takmičarske sezone. Ugovori za maloljetna lica potpisana do 30.06.2024 god. Ostaju na snazi do isteka.

Za igrače koji u tekućoj takmičarskoj godini navršavaju ili su navršili 28 godina starosti i za igrače strane državljanke ugovor se može zaključiti za vremenski period od jedne takmičarske godine.

Takmičarska godina počinje 01. jula tekuće godine, odnosno prvog dana redovnog prelaznog roka, a završava se 30. juna naredne godine, odnosno prethodnog dana redovnog prelaznog roka.

Za igrače-ce koji su registrovani posle 01. januara takmičarska godina ugovori počinju da teku (važe) od 01. jula tekuće godine.

#### **član 24.**

Ugovori koji su potpisani u posebnom prelaznom roku, smatraju se zaključenim u redovnom prelaznom roku.

Svi ugovori potpisani do 30.12. tekuće godine, smatraju se kao da su potpisani u redovnom prelaznom roku i to od 1.7. do 10.7. tekuće godine.

#### **član 25.**

Ugovor se, uz obostranu saglasnost, može raskinuti i prije isteka vremena za koje je zaključen. Prije isteka ugovora igrač nema pravo da bez obavještenja matičnog kluba pristupa pregovorima za prelazak u drugi klub i da u vezi s tim potpisuje bilo kakva dokumenta. Klubovi nemaju pravo stupanja u pregovore o prelasku mimo saglasnosti kluba čiji je igrač član ako je pod ugovorom. Ukoliko Klub i igrač-ca prekrše ovaj član protiv istih će se pokrenuti disciplinski postupak.

#### **Član 26.**

Ako Klub ponudi igraču-ci Aneks Ugovora i potpišu isti, a Klub isti nedostavi na ovjeru Registracionoj komisiji isti Aneks Ugovora smatra se Valjanim i biće prihvaćen u Savezu prilikom dostave od bilo koje strane. Za nedostavljanje Aneksa Ugovora na ovjeru Registracionoj Komisiji Klub će biti kažnjen sa 1000 KM + PDV i Protiv Kluba biće pokrenut Disciplinski postupak. Direktor ističe kaznu i ona je konačna.

#### **Član 27.**

U OSFBiH mogu biti registrovani igrači-ce na dvojnu registraciju, samo pod uslovom ukoliko Klub ima dvije ekipe u sistemu takmičenja u Višem i nižem sistemu. Dvojnu registraciju mogu imati samo igrači-ce u nižem sistemu takmičenja. Igrač-ca ukoliko se registruju na dvojnu registraciju moraju imati Legitimacije odvojeno za oba sistema takmičenja, a u Legitimaciji izdatu za Viši i niži sistem takmičenja dodaje se naznaka „**Dvojna registracija**“. Igrači-ce koji imaju dvojnu registraciju nemogu nastupiti istog



dana za obadvije ekipe. Ukoliko nastupe u istom danu za obadvije ekipe Klub gubi sa 3:0 u nižem rangu i plaća novčanu kaznu od 1000 KM +PDV, Odluku donosi Direktor takmičenja. Maksimalan broj registrovanih igrača-ca na dvojni registraciju za Klub je **6 (šest)**. Dvojni registraciju mogu imati samo igrači-ce do navršenih **18 (osamnaest) godina**.

## **VI- NASTUP IGRAČA ZA INOSTRANE KLUBOVE**

### **član 28.**

Igrač može da nastupi za inostrani klub sa saglasnošću kluba za koji je registrovan ako mu je ugovor važeći i odobrenjem nadležnog organa OS BiH (izdat sertifikat).

### **Član 29.**

Kriterijume za prelazak igrača u inostrane klubove utvrđuje nadležni organ OS BiH. Igraču, kome je izdat sertifikat za odlazak u inostrani klub, registracija se do daljnjeg automatski stavlja van upotrebe.

## **VII – PRESTANAK ČLANSTVA KLUBA I IGRAČA-CA PONIŠTENJE REGISTRACIJE IGRAČA-CA**

### **Član 30.**

Članstvo kluba u Odbojkaškom Savezu Federacije BiH prestaje:

- kada Skupština kluba donese odluku o prestanku rada kluba;
- kada se klub isključi u disciplinskom postupku;
- kada se klub raspušta na osnovu rješenja nadležnog državnog organa.

-kada Klub sa seniorskom ekipom istupi iz sistema takmičenja .

-odlukom Skupštine OSFBiH.

Igrači kluba iz ovog člana se smatraju slobodnim i mogu se registrovati za bilo koji klub u skladu sa ovim pravilnikom.

### **Član 31.**

Registracija igrača može da se poništi u sledećim slučajevima:

- ako se poslije registracije utvrdi da je postojao razlog koji je smetnja registraciji;
- ako igrač prilikom prijave zataji da je ranije bio igrač nekog drugog kluba;
- ako je igrač podnio netačne podatke na osnovu kojih je nepravilno registrovan;
- ako ugovor sadrži netačne podatke date od strane kluba;
- ako je registrovan suprotno odredbama ovog pravilnika.

Odluku o poništenju registracije donosi Komisija za registraciju u OSFBiH po službenoj dužnosti ili na prijedlog zainteresovane strane.

## **VIII - ZAVRŠNE I PRELAZNE ODREDBE**

### **Član 32.**

**Upravni odbor OSFBiH utvrđuje oblik i sadržinu sledećih obrazaca:**

- R - 01 - Prijava za registraciju kluba;
- R - 02 - Rješenje o registraciji kluba;
- R - 03 - Pristupnica-prva registracija;
- R - 04 - Pristupnica-promjena članstva;

- R - 05 - Obavještenje o promjeni članstva;
- R - 06 - Ispisnica;
- R - 07 - Takmičarska legitimacija;
- R - 08 - Ugovor između kluba i igrača;
- R - 09 - Preregistracija kluba i igrača;
- R - 10 - Registar klubova;
- R - 11 - Registraciona knjiga za igrače;
- Drugih obrazaca u skladu sa potrebom.

### **Član 33.**

U skladu sa odredbama FIVB-a i CEV-a svi klubovi i igrači prilikom registracije po ovom pravilniku obavezuju se da će međusobne sporove rješavati samo u okviru organa OSFBiH, dogovorom ili putem arbitražnog postupka u skladu sa aktima Saveza.

### **Član 34.**

Upravni odbor OSFBiH utvrdiće sadržaj svih obrazaca iz Pravilnika i Uputstava o načinu formiranja i podnošenja dokumentacije za registraciju igrača. Uputstvom mogu biti obuhvaćena i druga administrativno tehnička pitanja u okviru uslova utvrđenih Pravilnicima. Sva dokumentacija u svim postupcima pa i u Disciplinskom postupku u Odbojkaškom savezu dostavljaju se na adresu Klubova a Klubovi su dužni obavijestiti igrače-ce o svim postupcima i kada Rješenja ili neki drugi dokumenti postanu Pravosnažni dužni su postupiti po istim.

### **Član 35.**

Odbojkaški savez Federacije vodi evidencije svih članova, registrovanih igrača, sportskih stručnjaka, sportskih rezultata, sportskih objekata i dr.

### **član 36.**

Svi drugi Pravilnici i propisi o registraciji na teritoriji F BiH ne mogu biti u suprotnosti sa ovim Pravilnikom.

### **član 37.**

Tumačenje ovog Pravilnika daje Upravni odbor OS FBiH.

Za sve sporove koji se dese u OSFBiH nadležan je sud u Tuzli.

### **član 38.**

Pravilnik stupa na snagu danom donošenja.

Stupanjem na snagu ovog Pravilnika stavlja se van snage Pravilnik o registraciji broj: 1944-06/23 od 21.06.2023.

Broj: 2061-06/24

Tuzla. 12.06. 2024 god.

P R E D S J E D N I K

---

Dr.sci. Miloš Jelčić